

Tribut

lo & leduc

U du seisch I heig für di no nie e Song gschriben
Aber Liebi isch kes Lied
Lug, das chani dir doch nid vorspiele
I cha nur luege, wie sichs abspielt
Und i weiss nid, wie me zrügspuelt
Aber i has ja ewig wöue lose u drum

Suechi nach Repeat
Doch Repeat gits nid
Wüu das würd heisse
Dass alles glich blibt
Aber i weiss, dass das nid geit
U wes nid geit, blibt nüt
Ussert dass me geit

U es git scho tuusig Lieder
Wo mi a di erinnere
U geng, wenn ig se ghöre
Steisch du grad bi mir im Zimmer
Ligsch näb mir im Bett
Tanzisch düre Tag
Oder singsch se lutt
Zmitzt ir Nacht uf dr Strass

Lug, das hie isch e Tribut
Für all die Albe i alte Hülle
Das hie isch e Tribut
Für die Lieder wo verspräche
Was ig nid cha erfülle
Das hie isch e Tribut
I ha bi dene Zile sofort
Die Biuder im Chopf
U sogar d Stilli zwüsche de Songs
Isch mir vertrout
Kennsch du das o?

Also bitte säg mir itze
Wie ds Lied müessti töne
Dass me ghört
Wie fest dass i di ha gliebt
Gloub das hie cha ke Rhythmus fasse
Weisch, Liebi isch nur ganz
We du se teilsch
U glich chani kes Stück drus mache
O wes no so schön wär
Es gäb nume Refrains
Die schönste Tön
Wo d Wält je ghört hät
Aber i weiss, dass das nid geit
U wes nid geit, blibt nüt
Ussert dass me geit

U es git scho tuusig Lieder
Wo mi a di erinnere
U geng, wenn ig se ghöre
Steisch du grad bi mir im Zimmer
Ligsch näb mir im Bett

Tanzisch düre Tag
Oder singsch se lutt
Zmitzt ir Nacht uf dr Strass

Lug, das hie isch e Tribut
Für all die Albe i alte Hülle
Das hie isch e Tribut
Für die Lieder wo verspräche
Was ig nid cha erfülle
Das hie isch e Tribut
I ha bi dene Zile sofort
Die Biuder im Chopf
U sogar d Stilli zwüsche de Songs
Isch mir vertrout
Kennsch du das o?

U du seisch I heig für di no nie e Song gschribe
Aber Liebi isch kes Lied
Lug, das chani dir doch nid vorspiele
I cha nur luege, wie sichs abspielt
Und i weiss nid wie me zrügspuelt

I chönnt nöime angers sy
I weiss, i sött öper angers sy
Aber angerersits
Wüssti o nid wär
Und i weiss
Du würdsch mi nid kenne
Du würdsch mi nid kenne

Lug, i chönnt nöime angers sy
I weiss, i sött öper angers sy
Aber angerersits
Wüssti o nid wär
Und i weiss
Du würdsch mi nid kenne
Wenn igs wär

Lug, das hie isch e Tribut, Tribut
Die Erinnerige immer i mir inne
Lug das hie isch e Tribut, Tribut
Du würdsch mi nid kenne
Lug, das hie isch e Tribut, Tribut
Die Erinnerige immer i mir inne
Lug, das hie isch e Tribut, Tribut